

中國藏學漢文歷史文獻集成

張惠言 主編

中國西藏及
甘青川滇藏區
方志彙編

上海古籍出版社

鄭
知
舟
PDG

中國藏學漢文歷史文獻集成

張羽新 主編

中國西藏及 甘青川滇藏區 方志彙編

第二十五冊

學苑出版社

PDG

圖書在版編目(CIP)數據

中國西藏及甘青川滇藏區方志彙編/張羽新主編.
北京:學苑出版社,2003.9
(中國藏學漢文歷史文獻集成)
ISBN 7-5077-1862-X

I. 中… II. 張… III. 藏族-民族聚居區-地方志-彙編-中國 IV. K29

中國版本圖書館 CIP 數據核字(2002)第 078995 號

ISBN 7-5077-1862-X



9 787507 718621 >

書名:中國西藏及甘青川滇藏區方志彙編(全 54 冊)
作者:張羽新 主編
總策劃:孟 白
責任編輯:洪文雄
出版發行:學苑出版社 E-mail:xueyuan@public.bta.net.cn
印刷裝訂:北京大興韓營古籍印刷廠
開本:850×1168 16 開本
字數:9900 萬字
版次:2003 年 9 月北京第 1 版
印次:2003 年 9 月北京第 1 次印刷
印數:1—120 套
定價:25800.00 元

第二十五册目录

朔方道志

朔方道志序

朔方名稱至古詩所謂王命南仲往城于方方朔方也漢統屬北地郡分治之處是曰寧夏寧夏之見于史此爲權輿經魏晉隋唐迄乎遼羅郡縣民國三年復改甯夏郡爲朔方道公羊傳名從主人至是始還其舊矣其地左河右塞形勢險固屹然西北重鎮風俗敦龐物產闐溢鹽池石油天然之利淵嶽雄深代生偉人文德既懋武功特著宜乎志乘流傳炳焉煥焉自明藩慶靖王初修朔方志于前乾隆朝張守金城續修甯夏府志于後當時董其役者何嘗不撫採故實網羅散佚蔚爲一代成書兵燹洊更殘闕失次致使采風之使攷古之儒不免感歎于紀宋無徵文獻不足余用滋懼癸丑歲以護軍使兼甯夏將軍駐節鄉邦俯仰今昔廢興之陳迹爽然有懷乃亟商之道尹陳君必准設局纂修

朔方道志

卷首

天德縣印書館代印

功未及竟余旋調綏遠都統幸從子鴻賓繼任鎮使猶得與陳君賡續不懈一時局中在事之員亦能殫心經營初終無間舊志之所不備則採新通志以輔之又雜取他書以參證之書成名之曰朔方道志計分類者十分卷者三十有二經始于丁巳告藏于丙寅首尾十年用力可謂勤且瘁矣而於百數十年之後復值灰燼廢壞之餘所見異詞所聞異詞所傳聞又異詞其僅有可考者補直掇拾略大概已耳謂能詳慎無遺備一方之掌故匪惟諸君子之所不敢自信抑亦余所躊躇却顧而不能不深望於後人之攝其疎謬增益而訂正之也
中華民國十五年丙寅夏歷六月望日馬福祥書於京寓



朔方道志序

輿稽上世王朝有書列國有紀載筆有官所以觀風而問俗也迨至後代事更加詳國有史家有乘而一省一郡一邑莫不有志焉以誌其事志之義詳矣寧夏古爲朔方郡星分井鬼地接蒙疆居塞北而號江南背賀蘭而面黃水萬山聳翠百派匯流以故晉之勃勃唐之師都宋之元昊胥欲竊此以自逞焉泊夫有明套虜屢犯烽臺之置邊牆之築防範幾無虛日前清懷柔得宜夷情帖服至我民國各旅軍務均歸節制始不啻胡越一家矣溯自明藩慶靖王初修朔方志後巡撫王珣楊守禮楊應聘相繼續修年湮代遠書皆失傳致數千年之流風善政文物典章若存若沒殊可惜矣清乾隆四十五年郡守張公金城續修寧夏府志秉筆者爲朔邑進士楊君子瀛窮源竟委考核精詳兵災之餘亦

朔方道志

卷首

天德縣印書館代印

鮮完帙迄今又一百三十餘年矣雖山川猶是風物依然而其間建置官師之異賦稅教養之殊人文武功之代興忠孝節義之問出歷年既久半卽銷沉民國肇興制度更易府州之稱謂已非兵官之體制又別當此改革之時代猶忍令杞宋之無徵以後雖有好學之士稽古之儒恐亦徒費漁郎之過問矣民國丁巳護軍使馬公雲亭道尹陳公三洲殷殷焉以修志是亟聘朔邑舉人吳君心齋以主任之未幾吳君物故其事遂寢甲子之臣重遊來寧時馬公已調任綏遠都統陳公以之臣前在靈州續修州志頗能耐勞商鎮守使馬公子寅命之以繼其任檢閱前稿半係照抄前清光緒季年所修甘肅通志其自宣統至今多未之及不無闕點竊思志體郡與省不同一省事緒甚繁自應刪繁就簡一郡事務較少惟恐語焉不詳特未可以文獻無徵雜糅夫行問字裏

此郡志之體也劉君鶴泉深以爲然後經梁君善卿馬君子良照擬修志目錄從新調查於甲子五月朔日設局治事夫志史事也自非才大學博且能洞悉夫地方之人情風俗何敢率爾操觚况寧夏邊塞之區藏書既寡兵燹之後播卷盡亡各屬志乘如朔邑之朔方志稿靈州之續修志稿非缺即遺中衛志修自道光後此亦未續修鎮戎鹽池志初修伊始亦只言其大略此外如寧夏平羅金積則未之聞焉人往風微抱殘守缺蟻負千鈞其有不躓且顛者鮮矣所賴吳孝廉心齋倡之於前劉鶴泉楊葆卿諸君子勲之於後從開闢修起訖於民國十四年以舊府志爲主新通志爲輔並參考他書暨新採訪以增益之分門別類正謬訂訛閱九月而功始竣成書三十三卷以前明迭修朔方志且寧夏近改朔方府已改道因名之曰朔方道志雖然之臣竊有說焉孟

朔方道志

卷首

民國十四年

子述孔子之言曰知我者其惟春秋乎罪我者其惟春秋乎孔子作春秋以非在位而擅褒貶其意因未自安也此固非所比倫然以局外而參局中之議且從百餘年之後而欲續叙百餘年以上之事其中之是非非善善惡惡而謂胥能得情理之正且無遺軼之虞可備邦人士之徵信焉此亦非之臣之所敢必而理得心安者也知我罪我又不禁誦孔子之言而翻然悔惕然懼矣是爲序

民國十四年乙丑夏歷良月朔日

五等金質單鶴章前任命鹽池縣知事楚鴻王之臣敬書

舊寧夏府志後序

寧夏乃漢朔方地闢土舊矣而前世紀載無成書明藩慶靖王始爲朔方志越宏治辛酉巡撫王公珣修之郡人胡大司馬汝礪筆也其後嘉靖己亥巡撫楊公守禮重修管給諫律實主其事萬歷丁巳都御史楊公應聘又修楊主事壽哉訂焉皆郡人也自是而後續者無聞天崇之間僅編奏記數篇國朝順治初唐采臣先生以戶部主事督餉來此得遺文數首因與中丞黃公葵議附刻於後朔方舊志如是而已乾隆癸酉寧夏道定州楊公有志欲新之未成而罷其後太守新安王公甫議修舉以調任去又其後朔邑令長沙周公爲朔縣志稿就未刊亦以遷任去嗚呼何其事之難如斯耶豈其一書之成亦自有待於其時與其人而不可強者耶今太守公任事之三年政通人和百度修舉爰及斯志命雲等相與編纂而公裁定焉舊志之繁詳本朝之制度稽之列史以補缺漏衷之通志以一體裁徵考之於案牘以著因革之由採詢之於閭閻以彰幽隱之跡於是一州四邑方數千里之地三百餘年間之事披卷瞭然可指諸掌矣夫寧夏自震災後故家藏書世牒與鄉先賢之撰述灰燼之餘十不存一使早得搜羅於數十年之前必尤有炳如蔚如可觀者然使非遇太守公卓識宏材毅然構此更聽之數百年後并令紀錄且泯滅不可考此亦勢之必然者然則太守公此舉其於我寧文獻爲功豈淺鮮哉抑雲更有感焉憶雲始受書即聞諸先輩以郡志不修爲憾定州楊觀察始創修時先伯父信菴以明經與參訂長沙周邑宰修朔邑志又委之以採訪而書皆不就今往者十餘年雲得沐太守公雅化復與編輯續先人未竟之志而卒觀此書之成附

朔方道志

卷首

四

民國十四年

名其間且感且愧因述其源委贅於簡末用以見斯書之成實有待於
我太守公既爲邦人慶並以志私幸於無窮也王宋雲謹跋

修志銜名

主修

一等大綬文虎章陸軍上將銜勳二位西北邊防會辦馬福祥
二等大綬文虎章上大夫銜朔方道道尹陳必淮

監修

二等大綬文虎章陸軍中將勳四位寧夏鎮守使馬鴻賓
纂修

五等金質單鶴章前任命鹽池縣知事王之臣
前纂修

清舉人前夏朔縣議會議長吳復安

招纂修

清貢生考試職員前夏朔議會議長劉振清

清舉人寧朔縣初級中學校校長楊泰
同纂修

清寧夏駐防協領鎮守使多署書記官景琪

清貢生師範學校兼中學校校長徐宗瑞

清貢生師範學校兼中學校教員許景魯

清拔貢師範學校兼中學校教員鄧雲路

清貢生前省議會議員喬熙

清拔貢補川州判前夏朔縣議會議長李斌

清調查
貢蔡之璧

朔方道志卷之首

命令

清宣統三年八月癸丑武昌起義各省響應十一月癸酉在江寧開選舉大總統會丙子孫大總統宣誓就職是日即為陽歷二月一日民國元年紀元以此始二月己未清帝遜位三月己丑甘肅承認共和四月丁未議決臨時政府移於北京不數月間由專制朝廷之臣僕一躍而為共和平等之人民實中華無上之光榮亦世界罕聞之盛舉因仿舊志首列綸音之例謹擇開國命令數則弁之卷首不列卷數以昭崇敬

民國元年二月己未奉

朔方道志 卷首 命令 天德聖皇帝勅諭

組織臨時政府袁令現在共和國體業經宣布世凱忝膺組織臨時政府之任力小荷重深懼弗勝竊念政府機關不容有一日之間斷現值組織臨時政府所有舊日政務目下仍當繼續進行庶政方新百端待舉全賴羣策羣力互相匡濟務以保全治安共維大局為要務在新官制未定以前凡現有內外大小文武官署人員均應照舊供職毋曠厥官所有應行公務應司職掌以及公款公物均應照常辦理切實保管不容稍懈倘有藉端規避曠厥職官者不獨違背官規抑且放棄國民義務賴願在官諸君子共懷此意此令

同日又奉

令現在改定國體採用共和業經大清皇帝明白宣布凡我國民須知此次改革為我國家從來未有之新局非舍故君而戴以新君乃由帝

政而變為民政自茲以往我中國之統治權非復一姓所獨擅而為四百兆人所公有我中華民國不論滿漢蒙回何種民族均由專制朝廷之臣僕一躍而為共和平等之人民實我中華無上之光榮亦世界罕聞之盛舉惟當新陳代謝之際正禍福攸分之時始基不慎貽害何窮吾人同屬國民各有天職艱難締造義不容辭凱以菲才謬膺組織臨時政府之任力小荷重其何能堪所賴我賢士大夫竭盡知能共謀匡濟諸公久膺疆寄外觀世局內察民情必有以慰同胞望治之心方不負大清皇帝致政之意其或愚氓無識肯動浮言亦宜凱切詳明廣為勸導總之共和國家輿論即為法律之母國是一定萬難動搖無論何人均有服從國法之義務凱雖不敏願與諸公努力行之此令

三月乙酉奉

朔方道志 卷首 命令 天德聖皇帝勅諭

大總統袁令本大總統於中華民國元年三月初十日舉行受職禮訖自念德薄能鮮膺茲重任兢兢業業惟以隕越是懼維我民國建設伊始千端萬緒肇造維艱是皆賴我內外文武百官協力同心共膺義務當此瘡痍未復國步艱難苟有可以破除私見保持公安謀秩序之挽回籌政事之統一者本大總統當與諸君竭力圖之此令

同日又奉

令國體變更首在蕩滌繁苛與民更始自中華民國元年三月初十日以前我國民不幸而罹於罪者除真正人命及強盜外無論輕罪重罪已發覺未發覺已結正未結正者其皆免除此令

同日又奉

令國民積苦專制重罹兵禍農民損失甚鉅宜催督通欠重滋擾累

所有中華民國元年以前應完地丁正雜錢糧漕糧實欠在民者其皆免除有司勿得催索此令

同日又奉

令現在民國法律未經議定頒布所有從前施行之法律及新刑律除與民國國體抵觸各條應失効外餘均暫行援用以資遵守此令

五月壬寅奉

令共和以法治爲基民權以財產爲重保護財產世界各國法律所同自頃戰事告終元氣未復正宜同謀樂利以奠民生況保護公產保護私產禁止濫捕擅騙均經前孫大總統辦理有案乃捕人索銀之事迭有所聞國法何存民業奚恃本大總統既膺公選即當以國利民福爲己任特中戒國人須知人民權利載在臨時約法保有財產自由無故

期方道志

卷首

三

天津華泰印書館代印

不得侵犯從前川兵之際雖有將無主財產及官吏私產充公等事乃出於軍事上之權宜斷難沿爲習慣現在政府成立自應實行法治嚴戒武斷嗣後應由各省長官及各軍隊長官恪遵約法嚴飭所屬切實保護人民財產倘再有逞私謀奪情事一經告發務必按法懲治其從前迫脅立約尚未履行者自奉令之日起概失效力至於坐贓犯科應行籍沒者自可按照法律由檢察官提起公訴歸司法衙門審斷決無盡人可得越俎之事本大總統爲恢復秩序尊重人權起見深願國民同享幸福共保和平其各懷遵此令

六月辛未奉

令中國尊孔始於漢武帝擯黜百氏表章六經自是學說遂統於一尊顧孔學博大與世推移以正君臣爲小天下爲大同其後歷代

人主專取其小康學派鞏固君權傳疏諸家變本加厲而專制之威能使舉世學者不敢出其範圍近自國體改革或謂孔子學說與今之平等自由不合淺妄者流至悍然倡爲廢祀之說此不獨無以識孔學之精微而且昧平等自由之真象孔子生當貴族專制時代憫大同之不行乃退而祖述堯舜刪修六經春秋撥亂之後爲昇平太平之世禮於小康之上進以大同共和之義此其導源遠爲顏曾思孟近如顧黃王諸儒多能發明宗旨擇語精詳大義微言久而益著醴醴鬱積遂有今日民主之局天生孔子爲萬世師表既結皇煌帝緒之終亦開選賢與能之始所謂反之人心而安放之四海皆准者本大總統證以數千年之歷史中外學者之論說蓋灼然有以知日月之無傷江河之不廢也惟民國以人民爲主體非任其自由信仰不足以証心理之同前經國務院通電徵集國民意見茲據尹昌衡電請令全國學校仍行釋奠之禮所見極爲正大應俟各省一律覆到即照民國禮制根據古義將祀孔典禮詳細規定以表尊崇而垂久遠此令

民國四年三月二十日奉

令民國肇基承前清積衰之後當暴徒斲喪之餘萬端待理若治絲絲銳意經營日不暇給予以憂患餘生不忍萬姓顛連出任國家之重所以朝作夜思不敢自逸者爲救國救民計耳我官吏等各有職守即同有救國救民之責任自當以予心爲心協力進行國家庶有自危而安自弱而強之望夫以今日國勢之不振民困之未蘇即上下一心臥薪嘗膽猶恐於時無補不免危亡詎意京外官吏習於晏安罔知懲愆或煽情職官或瞻徇誤事或奢靡害俗或嬉游耗時當此存亡危急之秋

曾無戒慎恐懼之念衰莫大於心死人心若此國何以存徵諸前史立國之初類皆法令嚴明官無留事斷無有文恬武嬉而可以坐致治安者誠以人人奉職國不期強而強身受其福澤及子孫人人廢職國不期亡而亡身罹其殃遑恤厥後爲一時之偷安致萬劫之不復志趨頹放精氣銷亡人非至愚何忍出此三載以來迭加訓戒而泄沓之習仍未盡除逸樂之風勢且日甚固自藐躬德薄感化無方亦所司陽奉陰違視爲具文故不能收懲一儆百之效予視官吏如子弟憫其昏迷不憚言之諄諄以期改悔茲特明垂四誡永作官箴百爾在位凜之毋忽

一曰戒嬉惰設官分職各有責任辦公時間固宜兢惕從事即當退食猶應盡力研求古人所謂進思盡忠退思補過其敬事可知一人敬事一事見功人人敬事無不舉國家何患不強若旅進旅退毫無實心

大吏書行小吏書到於公事之原委若何辦法若何絕不研究號爲當差日復一日其人不必顯有過失卽此嬉惰曠官而庶事之墮壞於無形者多矣聖人爲委吏乘田尙有會計當牛羊茁壯之責任況有大於委吏乘田者乎長官職在表率屬吏職在奉行秩有尊卑急公則一素餐戶位當共恥之

請託情事並准屬吏據實舉發以絕瞻徇

一曰戒奢靡國用浩繁財政支絀所有文武官俸非出之於水深火熱之民生即挹之於剗肉補創之國債雖重祿勸士國有常經而古人於一絲一粟尙思來處不易今爲何時祿從何出心目間時懸一民力拮据之狀國債窘迫之情稍有天良顧忍以奇痛之金錢供無名之揮霍乎近有藉口進化務爲虛糜一餐之費至數十金一日之釀至數千金祿不足給勢須改操假公濟私何所不至蓋奢侈雖爲私德之失其流毒足以蕩公德而無遺既失之奢必敗之貪此是相因之勢前清之亡由於在位者川財無節寵賂滋章蠹蝕於朝伏戎於莽百事敗壞顛覆隨之覆轍不遠匪細故也

一曰戒嬉游前清末造不肖士夫遊戲徵逐風氣所趨至於亡國

一博一博萬金爲世詬病改革以來此風未絕賭博之禁迭申嚴令而京外官吏竟有明知故犯者昔人所謂牧猪奴戲今則高位素族夷然爲之且賭者貪之漸盜之媒衣冠之人行同敗類是何心肝言之可耻須知平民賭博猶犯刑章官吏爲之何以服衆亦有本非所好受人牽率不知有志之士貴能轉移風氣詎可爲風氣所轉移或藉詞於餘力消遣無害公事不知人生精力有限於無益之事多一分消耗必於應用之處少一分運行國家陷危至此而官吏舍業以嬉不知危亡爲何事玩時愒日尙何盡職之可言官吏賭博爲近日惡風其尤著者予所稔知冀其自新稍留餘地長此不改惟有執法以繩其後言盡於斯各宜猛省自經此次誥誡之後儼有不知警悟仍蹈前轍者一經查出或被入舉發定當治以上玷官箴下害風俗之罪予固不願察察爲明然

國家非一人之私治國家亦非一手足之烈官吏之敬事與否實國家隆替所關予亦何能曲徇京外文武長官有表率之責者務各切實申儆所屬如尙沿前弊除將該官吏等依法懲戒外仍惟該管長官是問著將此次申令各錄一道懸掛京外各公署并著內務陸軍兩部印刷分寄京外有職人員互相規戒暨由政事堂飭錄叙局於給發任命狀時印發一紙俾各官吏觸目警心視為厲禁醫不攻疾無以處方國不去蠹無以施政天鑒有赫君子懷刑毋負予耳提而命之意此令

民國五年四月十八日奉

大總統黎令蓋聞畫壁圖形乃煥雲台之績據鞍報國終成銅柱之助陸軍中將馬福祥隴右威名雲中宿將河湟扼險義渠夙典邊兵虜騎無塵李牧常居代地念成功於既往爰錫命以昭來茲依勳位第一條特授以勳四位用嘉乃績功在邊陲息賀蘭之烽火封同茅土勉新息之勳猷此證

五月十二日奉

大總統黎令蓋聞瀚海天驕鳴鏑多風塵之警崆峒人武吹鞭仗梟散之材陸軍少將馬鴻賓勇略無前忠謀自奮馳驅蠟之絕塞狼望塵清褊鳥鼠之餘魂虎頭威著殊勳事著懋賞宜加本大總統依勳位第一條特授以勳伍位以酬乃庸盟府載書偉烈耀鏤金之版河湟作鎮壯猷揚仗鉞之稜此證

民國六年五月七日奉

大總統馮令蓋聞猛士守方貴有安邊之略靈台假伯乃酬捍國之庸勳四位上將銜陸軍中將馬福祥險扼金城勳高銅柱抗威稜於新息

陣肅貔貅倚雄劍於崆峒氣吞龍虎嘉茲偉烈特予崇封本大總統依勳位令第一條晉授以勳三位用嘉乃績壯雄師於靈武永無西顧之憂緬圖畫於凌煙絕望東來之氣此證

民國 年十月奉

大總統徐令蓋聞開府九邊賀蘭獨居重鎮分珪五等太常特紀奇勳上將銜陸軍中將馬福祥勇著金城勳高銅柱充國素嫻邊事紆籌策以屯田文淵洞悉虜情畫山川而聚米合頒異數用獎成勞本大總統依照勳位令第二條特晉授以勳二位以彰乃功建虎節於朔方益懋西陲之績啓龍圖於奕世彌增東壁之光此證

朔方道志目錄

卷首 序 街名 目錄 凡例

命令

卷之一

天文志

星野說 井宿圖 鬼宿圖 祥異

卷之二

輿地志上

疆域總圖 疆域分圖 沿革 邊界 形勝 山川

卷之三

輿地志下

風俗 方言 物產 古蹟 陵墓

卷之四

建置志上

城池井圖 公署井圖

卷之五

建置志下

壇廟 寺觀 堡寨 關梁 倉庫 警察 郵政 電政

卷之六

水利志上

河渠源流 渠道建置

卷之七

水利志下

渠工則例 渠務格言

卷之八

貢賦志上

賦則 細徵

卷之九

貢賦志下

鹽法 茶法 錢法 統捐 雜稅 戶口

卷之十

學校志

學宮 書院 試院 學額 社學義學 學田 學校

卷之十一

兵防志

兵制 防地 營盤

卷之十二

職官志一

明代官制 明藩制 清代官制 民國官制

卷之十三

職官志二

歷代職官表 民國職官表

卷之十四

職官志三

宦蹟上

卷之十五

職官志四

宦蹟下 客官

卷之十六

人物志一

鄉宦

卷之十七

人物志二

學行 孝友

卷之十八

人物志三

選舉

卷之十九

人物志四

忠義

卷之二十

人物志五

節烈上

卷之二十一

人物志六 節烈下

卷之二十二

人物志七 耆壽 流寓 隱逸 技藝 釋道

卷之二十三

人物志八 任俠 殉難

卷之二十四

藝文志一 公牘

卷之二十五

藝文志二 記序上

卷之二十六

藝文志三 記序中

朔方道志

卷之二十七

藝文志四 記序下

卷之二十八

藝文志五 議說 書傳 銘贊 頌歌

卷之二十九

藝文志六 賦詩 歌詞

卷之三十

志 餘上 歷史上

卷之三十一

志 餘下 歷史下 蒙古世系 軼事 著作

朔方道志

凡例

一寧夏自明藩慶靖王創修朔方志後巡撫王珣楊守禮楊應聘相繼續修書皆失傳清乾隆四十五年知府張金城修寧夏府志兵燹之餘亦鮮完帙茲集以舊府志爲主新通志爲輔並參考他書暨新採訪以增輯之名之曰朔方道志

一舊府志爲總目八固已綱舉目張但今昔攸殊若僅照舊志續輯闕漏必多今仍從開闢修起訖於民國十四年爲總目十曰天文曰地輿曰建置曰水利曰貢賦曰學校曰兵防曰職官曰人物曰藝文總目之下隸以子目依類相從其歷代事實之未能聯屬者另列志餘一門以期完備查府志通志均以繪圖列之卷首以示統於一尊茲

朔方道志

卷首

凡例

總目

子目

卷首

凡例

仿釋開國命令數則謹冠諸首不入總目者昭崇敬也

一總目統子目既於總目之首各用弁言復或於子目加以小引或於篇尾跋以論說者此亦班書提綱索隱述贊之義其志內向來沿訛襲謬或徵引未全則悉本通志並參考他書添補更正或加按語以明之總期擇精語詳而免舛錯

一寧夏自秦漢以降名稱不一載在沿革至前清爲寧夏府控靈州甯夏甯朔中衛平羅一州四縣同治十一年增置寧靈廳民國二年改金積縣又以靈州改靈武縣花馬池分州改鹽池縣又鎮戎舊爲平遠縣隸固原直隸州民國二年易名鎮戎改隸寧夏裁府缺改寧夏分巡兵備道爲朔方道計一道八縣稱謂既殊版圖又廓其一切因革損益均不無今非昔是之殊自不得不循名核實條分縷析以期

一目了然

一阿拉善鄂爾多斯烏審三旗地之近寧夏者軍務歸寧夏節制是東西兩蒙近均在寧夏範圍之中但該兩蒙向歸自治政教不同故集中僅叙邊界世系風俗及建築營棚等事其山川形勝建置職官人物概未詳叙

一天文舊志隸於輿地律以分野之義尙非刺謬但三才自有定位通志列之首冊當矣惟近來新學家言星野之說不無穿鑿亦曾言之然太白入東井自古有占驗之者天道遠而人道邇鄭子產已有明言爰全錄舊志而以新說附之以俟後來深於天文者考正焉

一輿地建置均關緊要舊志於輿地城池祇列總圖未免太略茲仿通志例於總圖外各繪分圖并列篇首以便查對衙署則祇於鎮道法

廳三署各繪一圖他風略之以限於尺幅未克從詳故也至山川形勝物產等事關乎輿地堡寨橋梁等事關乎建置各以類從毋庸贅述

一祠祀通志另爲一門在前代以祀戎爲國大事固不得不列專門惟自民國革命孔祀亦幾議廢何況其他茲仍照舊志列入建置警察通志列入兵防然其始意設科警以汰書差似屬行政範圍以內之事因并入建置

一舊志水利貢賦均隸輿地查天下黃河富寧夏是河渠爲寧民命脈且每歲費修以億萬計其興作之期間開水之遲早物料之攤派均有一定章程罔敢逾越至賦稅維正之供爲人民應盡義務其中荒墾增減代有不同若非詳爲登載後此何所考查茲并爲分列以昭

詳悉

一學校爲造就人才之地夏曰校殷曰序周曰庠其義一也近歐瀛各國以學校之多寡視國勢之盛衰幾如無事不學無人不學中國京師設教育部省設教育廳學校之在今日似尤爲立國最重之點舊志列入建置未盡合宜茲照通志另爲一門

一兵防所以保衛地方安寧秩序文武備相輔而行前明寧夏置兵最多分駐邊塞謂之擺邊清改綠營民國改練新軍制雖不同其保護地方人民則一舊志附於武職亦未合宜茲并照通志另爲一門一職官姓氏自乾隆四十五年後百有餘年既題名之多疏亦兵燹之迭遇同治一役播卷盡失而耆老之流離得歸故土者又什不獲一非獨難查實無可查也茲文職照通志至州縣止武職照舊府志至

參游止其中多由通志採入蓋同治之役省城未陷卷尙完全差可徵信也至官制則斷自有明始宋元以前僅存髣髴自當付之杞宋無徵之列

一職官人物之可入傳者唯分年代先後不論文武官階免繁瑣也但必其人本有可傳且必人已去世蓋賢否宜分亦蓋棺乃論定也通志以宋之張俊陷害忠良擯不入傳現在名人恐涉標榜概不立傳深得古人守正不阿之意茲本此以爲去取焉

一選舉科舉姓氏在舊志前即多缺略乾隆以降屢遇兵燹光緒季年學官又廢更屬無可查考茲照通志科舉至副拔優三貢止至民國議員投票則另爲選舉之一例學校畢業又新開選士之一端此亦因時制宜之道舊志以選舉科舉列入人物今從之

一舊志以鄉宦儒林總名鄉獻自爲合宜但其中究有分別昔人有言行道者君相明道者師儒道不明則道何以行是師儒其首重矣茲以鄉宦爲一目而於士之學問醇正品行端方者另爲學行一目以爲後之矜式其餘則悉照舊志未敢另立名目過爲區別致滋方人之誚

一孝友忠義所以維綱常勵風化罔敢或遺但必擇其實可據不得以空談虛譽致失不經至節婦例以年未三十守節及守節過三十年者爲限其守節未及三十年而身故者亦在旌表之列無論已旌未旌均應入志其耆壽流寓隱逸方技釋道任俠亦紀載家所不廢附以殉難慰幽魂也

一藝文雖爲表章人文之盛然必有關於世道人心及山川形勝而詞

朔方道志

卷五

藝文

詩

五言

五言

五言

五言

五言

復雅馴者方可分類選入一切流連風景華靡綺麗之詞概置不錄

一志餘紀事提綱用單行敘事用雙行以便觀覽

一志自有體裁雖義主紀事而宜雅正一切時新語未敢屬入

一志又宜簡括然應有者亦須盡有至文獻無徵則從史闕文之例

一志以朔方道名者明慶王創修朔方志是宜於古也民國改寧夏爲

朔方道並宜於今也

一寧夏既改朔方集中寧夏字均應改朔方字方合體裁惟名稱已久

其中因有未能遽易之處閱者諒之

一圖畫計里定方附各圖未其餘城池用口堡寨用○路用△水用

山用△川用△長城用△沙漠用△寺用△關用△界綫用

△△△以爲標識

朔方道志卷之一

天文志 星野說 井宿圖 鬼宿圖 祥異附

按周禮保章氏以星土辨九洲之地所分封域皆有分星以觀妖祥先儒恆非之然晉升平元年四月太白入東井六月符堅弑其主天道垂象匪盡無徵因特本井鬼分野舊說詳為校正以備稽考志天文第一

星野說

舊志云春秋元命苞曰東井鬼宿為秦史記天官書東井與鬼雍州之分漢書地理志秦地於天官東井與鬼之分野也唐書地理志東井與鬼鶉首也自漢三輔及北地上郡安定西自隴坻至河右寧夏在秦漢朔方道志


卷一 星野說

天津華泰印書館代印


屬北地郡居秦雍之西境此志寧夏分野者皆主井鬼鶉首之次所由本也

又云東井與鬼鶉首之次為雍州分野寧夏郡在雍州之西境歷世天官家或謂兼尾或謂兼柳尾其躔次度數言各不同考古測驗大抵主井鬼者居多甘肅舊通志僅列二宿圖不為無據故仍之而不及其他

井宿圖



鬼宿圖



朔方道志

卷一

井宿圖

鬼宿圖

天津華泰印書館代印

卷一

井宿圖

鬼宿圖

天津華泰印書館代印

卷一

井宿圖

鬼宿圖

天津華泰印書館代印